

EM 2018/193

Tillie Martinussen

22. oktober 2018

(Aningasaqarnermut Nunanilu Avannarlerni suleqatigiinnermut Naalakkersuisaq)

**Unga siunnersuut: Kommunit suliffeqarfutaasa pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat**

(Tillie Martinussen, Inatsisartuni ilaasortaq, Suleqatigiissitsisut)


Inatsisissatut siunnersummi iluarsisami kiisalu attuumassuteqartuni oqaaseqaatini maluginggitsoorsinnaangilarput pineqartumi kissaatigineqarpasittooq pisortat taarsigassarsiniarneranni pitsasumik sukagasmillu aqutsisoqartassasoq soorlu aamma kissaatigineqartoq pisortat pisariaqanngitsumik, tassanngaannaq imaluunniit naapertuitinngitsumik akiitsortinneqartarnissaat.

Tamanna immini ajunngilaq.

Eqqarsarnartoqaporli immikkoortut naleqqussarneqarsimasut, soorlu kommunit ataanni sullivit inatsimmi nutaami allanngortinniarneqarmata. Aamma naapertuitinngitsuliorsinnaanerit tikkuarneqarput, akisussaasup ersarissumik nalunaarsorneqarsimanissa piginnaatitsissutillu agguarneqarnerat eqqarsaatigalugu Namminersorlutik Oqartussani aamma kommunini taakkulu suliffiutaanni. Taamatuttaaq aamma Naalakkersuisut uani piginnaatinniarneqarput attartorneq il.il. pineqartillugit qinnuteqaatit imarisassaannut malittarisassanik aalajangersaasinnaalersillugit aamma inuiaqatigiit aningaasarsiornerata kingunissaannut nalilersuinermut aalajangersaasalersillugit taakkulu imarisanna.

Ingasattajaartoqalerpasippoq. Allaanngilaq kommunit pilersaarutaasa immikkualuttortaat aqunniarneqalersut taakku aningasaqarnerannut akisussaaneq tigummianngikkaluarlugu. Taamaallaat periarfissaqarusulluni unikaallatsitsinissamut imaluunniit iluarisattaannguamik aalajangiisinnanissaq.

Taamatut naatsumik oqaaseqarluta inassutigaarput manna siunnersuut ataatsimiititaliami susassaqartumi misissorneqassasoq innersuussutigissallugulu ataatsimiititaliap isummerfigissagaa naapertutissannginnersoq isumaliutissiissutip eqqarsaatigilluarnissaa taamaattumik iluassaaq aappassaaneernissaa pingajussaaneernissaalu kingusinnerusukkut pisinnaasuuppat.



SULEQATIGIISSTISUT  
SAMARBEJDSPARTIET

Peqataanik ataatsimiitaliamut susassaqartumut innersuussutigissavarput kommunit itisuumik oqaloqatigissagaat kiisalu aningaasarsiornermut ilisimasallit aamma allaffissornermut ilisimasallit, aningaasarsiornerup sikkiinik paasiniaasinnaasunik, aamma siunnersuutip pitsaaqutaanik akorngutaanillu kiisalu pineqartup kinguneranik aqtsinermut aningaasartuutinik.